





AS  
D. K. M.

18/10

Original  
28/10/21  
20/10

18950/P

THESES

EX PHYSIOLOGIA PHYSICA

ET

EX PHYSIOLOGIA MORALI,

Quas Mœcenate illust. Broussonet, Medicinæ Professore Regio, Regi ab omnibus Consiliis, è Regiâ scientiarum Aca-  
demiâ Mospeliensi,

In Ludoviceo Mospeliensi propugna-  
bat J. COURDIN DE BÉRIÉ, è loco  
Gensac, Diœcesis Montalbanensis,  
Magister Artium, hujusce Universita-  
tis Alumnus, ~~ante dationem chris-~~  
~~tianæ fidei, septima~~ mensis Janua-  
rii anno 1788.

---

Neque fingendum aut excogitandum sed invenien-  
dum quid natura faciat & ferat.

( Bacon aphorism. 10, lib. secundus de novo organo. )

---



M O N S P E L I I,

Apud JOANNEM - FRANCISCUM PICOT, Regis & Universitatis  
Medicinæ Typographum unicum.

M. DCC. LXXXVIII.







ILLUSTRISSIMO AC SUMMO VIRO

D. D.

BROUSSONET,

Medicinæ Professori regio in Universitate  
Monspeliensi, Regi ab omnibus Con-  
siliis, è regiâ Scientiarum Academia  
Monspeliensi.

**M**ÆCENAS venerande, suis cui gloria frontem  
Illustrat radiis, has blando lumine Theses  
Respicias, grati monimentum & pignus amoris.  
Adsis ô! quærenti naturæ expromere vires,  
Quas rescis, stimulas, auges, & spontè coërces,  
Seu velis, effæto rabidos de corpore morbos  
Pellere, seu natos doctas effingere ad Artes,  
Virtutemque animo ingeniumque afflare paternum.  
Plaude tibi, felix pater, immortalæ tuorum  
Plaude decus, mirans ut opes arcanaque pandens

*Naturæ , hic referat priscis incognita sæclis (1) ;  
Ille (2) premat gloriosa suæ vestigia fratris ,  
Fata paterna novis ardens cumulare triumphis ,  
Fraternisque suas lauros intexere lauris.  
Vivite concordēs famâ , gens inclita fratrum ,  
Vivite ; tuque pater lætâ requiesce sub umbrâ  
Natorum ; usque tuæ laudes nomenque manebunt.*

---

(1) Natu major , è regiâ Scientiarum Aecademiâ Parisiensi , &c. qui  
Icthyologiam & multa alia edidit atque editurus est immortalitati  
opera.

(2) Natu minor , qui an. 1787 Theses philosophicas propugnando ,  
ratri suo illust. dicatas , dedit specimina ingenii haud indigna paterno,  
fraternoque ingenio.





# PRIMA PARS.

## T H E S E S

### EX PHYSIOLOGIA PHYSICA.



#### VIRES NATURÆ IN CORPORE HUMANO.

**D**UPLEX genus virium distinguendum in homine ratione corporis spectato, scilicet *animalium & mechanicarum.*

#### I. VIRES ANIMALES.

2. *Vis cohæſionis, contractionis & vis tonica.*  
 Fibræ musculares ex minoribus quarum ingens numerus recenſeri nequit coalitæ in cadavere donantur vi, quâ inter ſe cohærent & reſiſtunt ſi diſtrahantur. Unde viſ quâ ſeſe contrahunt ſi in longitudinem extenſæ ſibi permittantur. Ea viſ per influxum vitæ maximam obtinet energiam; eamque perpetuò exerceri in machinâ animali multa ſuadent phœnomena. Hæc parit niſum, quo in-

tenditur fibra ; unde *tonicæ vires* , tot & tantis laudibus celebratæ quæ continuam exercent actionem tum in solida tum in fluida ; hinc causæ plurimorum phænomenorum vitalium quæ cernimus in statu sano & morboſo corporis. . . . .

Ex phyſicorum experimentis conſtat corpora à frigore conſtringi , à calore autem dilatari & elongari : hinc validiores per hyemem & debiliores per æſtatem tonicæ vires : unde diverſa œconomix animalis discrimina , quæ per illas anni tempeſtates experimur. . . . Ergo prout vis co hæſionis inter elementa fibrarum patitur incrementa aut decrementa , diverſè afficiuntur tonicæ vires : hinc vitia morborum , quibus curandis adhibenda remedia quæ laxare aut firmare valeant fibras animales. . . . . Pereunte vitâ , pereunt vires tonicæ : hinc poſt mortem muſculi impares ſunt ſuſtinendis iis ponderibus , quæ in altum tollebant dum vita manebat. *Vitales* ergo tonicæ vires ; unde demonſtratur exiſtere vitæ principium , cujus leges primus tradidit magni ingenii vir (*de Barthés* ).

3. *Vis irritabilis halleri*. Excitantur vires tonicæ , à variis venenis chemicis , aliisque agentibus , aut ab animâ imperante : unde *irritabilitas halleri* quâ poſſunt explicari temperamenta , quatenus pendent à cauſâ phyſicâ , ( cauſa moralis exponitur pag. ) ſpaſmi , convulſiones , motus muſculorum , qui ſtupendas expandunt vires in convulſivis inſanientium furoribus ; circuitus ſanguinis , repetendus à corde ipſo ſanguine perpetuo huic admoto ſtimulo ; indè pulſus arteriarum , partim ex loco-motione juxtâ celebrem quem lugemus *Lamure* , partim à ſanguinis fluctibus , veluti ſubſultim in canales arteriarum propulſis.



4. *Vis absorbens*. In vasculis vel minimis existit quædam vis magni momenti in totâ œconomiâ animali, scilicet vis absorbens ( *force absorbente* ) quæ etiam in vegetabilibus. Hæc connexa videtur cum vi tonicâ & ab illius motibus oscillatoriiis multum adjuvari potest, fortassè etiam à motu respirationis. Hinc languente vi tonicâ languet vis absorbens. Duplex vis absorbentis actio *centripeta* & *centrifuga* : hæc è variis partibus internis velut è centro ad externa circumferentiæ corporis puncta, illa è totâ corporis superficie ad varias partes internas, velut in centrum dirigitur. Hinc quam plurima quæ observantur phœnomena. . . . Expiratio & inspiratio per cutem tum aquea, tum aëra: vomitus à tabaco quod ventriculo imponitur. Alvus soluta à colocynthide contrectatâ; phthisis, prodagra, &c. ab acubitu contracta. . . . Dùm corpus integrâ viget valetudine illæ duæ vis absorbentis actiones velut æquilibrio consistunt. Si hæc aut illa lædatur, aut perturbetur à quâcumque causâ lentâ aut repentinâ nascuntur phœnomena morbifica. . . . Hinc causæ hydropis, tumorum, quarundam febrium, &c. Hinc solvantur sicut plures alii morbi auctâ quam dicimus actionem centrifugam, & restituto inter utramque æquilibrio. Sic eliminatur materia morbi: unde crises. Si actio centrifuga vitiosè creverit producet sudores, quales nuper ( *la suete* ) viduarunt urbes civibus in hac Provinciâ non fovendi sed cohibendi; maciem lethalem quæ totum deformat corpus. . .

5. *Vis nervea*. Nervis inest vis ( *la force nerveuse* ) præpotens in musculos quorum vires tonicas diversè afficit. Ligato aut irritato nervo, se hinc

& inde prodit illius influxus, quod tamen non arguit spirituum animalium hypothesim. Enim vero ex observationibus microscopicis celebris apud Italos Physici ( *L'Abbé Fontana* ) nervi coalescunt ex quàm plurimis cylindris, vel tenuissimis, quorum quemlibet involvit vagina è filis minimis intertexta; ex iisdem observationibus illi cylindriurgent pleni materiâ elasticâ, glutinosâ, graniformâ. Supponi potest quod illa materia vibretur absque loco-motione, velut aër cum sonus auditur. Hinc irritatio, commotio quaecumque juxta nervi longitudinem propagabitur..... in respirando cerebrum attollitur, deprimiturque alternis vicibus ob refluxum sanguinis ut detexit *D. Lamure*, & illè motus ad medullam spinalem transmittitur. Hinc nascitur impulsio continua in nervorum origine. Hinc perennis actio vis nerveæ in totum musculorum systema: hinc illud toni robur, quo omnes mutuo & seorsim singulæ partes corporis semper vigent..... hinc in inspiratione organa vividioribus percelluntur sensationibus: auribus sonos debiliores atque delicates haurimus, oculorum acie percipimus facilius in objectis leviora discrimina..... expiratione cohibitâ majora edunt virium molimina muscoli, quorum nisus in diaphragma & intestina inter se contrahentia, tanquam in centrum, tendunt & veluti fulcro innituntur ( ) incumbunt. Inde urgentes conatus per breve tempus durant. Ergo copiâ sanguinis imminutâ per morbos aut aliter, respiratione infirmatâ vel deficiente, imminuuntur, infirmantur aut deficiunt vires. Hinc si interrumpatur respiratio, omnis motus & sensus concidit, corpusque jacet cadaver, donec, restitutâ respiratione, restituatur actio vis nerveæ, quæ vitalem membris



revocet vigorem : undè in omni syncope non juvat  
 salientem ferire venam : confugiendum ad alia quæ  
 ex eâ theoriâ spontè fluunt :..... hinc si in longitu-  
 dine nervorum læsio aut pressio quæcumque acci-  
 dat , muscoli subito corripuntur paralyti, cujus  
 causa sæpè in nervorum origine extat. In hoc mor-  
 bo sæpè motus interit incolumi organo tactûs &  
 vicissim , prout vires nerveæ motrices , salvis viribus  
 sensitivis, læduntur, & vicissim. In hemiplegiis à plagâ  
 exterius in caput immisâ , pars corporis , opposita  
 parti vulneratæ , morbo conflictatur. Cujus phæno-  
 menic causam verisimilem fas è est conicere : inter  
 lævam & dexteram partem medullæ cerebri suppo-  
 natur actio , ut inter antagonistas , unâ aut alterâ  
 debilitatâ à percussione , pars antagonista contra-  
 hitur , undè abrumpiuntur effectus causæ moventis  
 vim nerveam.

Ergo œconomia animalis variè afficitur per vim  
 nerveam quæ diversas subit modificationes ex ani-  
 mæ agente in nervorum principium , ut experi-  
 menta probant, ex sanguine & ex aliis. Hinc af-  
 fectiones nerveæ quæ à pathematibus trahunt ori-  
 ginem. Hinc convulsiones quas advenit celebris  
*Fontana* coagulato sanguine per unguisum venis  
 jugularibus leporum venenum viperæ. Ergo haud  
 dubiè malè concludit ex suâ experientiâ motus con-  
 vulsivos sæpè à nullâ nerveâ affectione oriri.

6. *Vires sensitivæ*. Phænomena arguunt in ani-  
 mali viventi vires sensitivas , connexas cum vi ner-  
 veâ (5). Exercentur per impressiones objectorum  
 externorum in organa , vel per excitationes animæ  
 passionēs , quarum sensus interior refertur , tan-  
 quam ad propriam sedem , versùs centrum viri-  
 um quod observavimus superius (5). Vires sensiti-

væ non sequuntur rationem virium irritabilitatis ; neque virium motricium. Inæquales sunt in diversis organis modificationes varias recipiunt à vi tonicâ , à causis , quæ fibras distrahunt , ab iis quæ earum cohesionem imminuunt. Indè verisimiliter , cur partes , quibus tactis irritando nullum apparet sensibilitatis indicium , dant tamen in statu pathologico vividi sensûs signa : cur aliquandò nimia sensibilitas in organis ..... neque putes fibræ ipsæ sensum ( *le sentiment* ) inhærere : ità censere prohibent notiones certæ & inconcussæ circa principium sentiens. Unde à vero aliena videtur ratio philosophandi auctorum qui nova sectantes sensui adhuc superstiti tribuunt subsultus & motiones partis reflectæ ab animali : ea phænomena explicanda credo per irritabilitatem (3) , donec quidam vir ingenii , aperiens arcana naturæ , novas ideas , novaque principia & certiora de corpore viventi & de principio sentiendi revelaverit.

17. *Vires sympathicæ.* Ex eâ quam expendimus (nº. 15.) vim nervorum , qui per totum corpus diffunduntur , efficitur virium connexio & influxus inter varia organa , quod facta innumera testantur : Ex quorum observatione multum emolumenti & luminis in medicam & Chirurgicam artem redundat .... ex iis quæ in memetipso expertus sum reciproca intercedit oculos inter & ventriculum communicatio affectuum , quibus medendis adhibenda remedia oculis aut ventriculo prout ab hoc aut ab illo nascitur malum ..... sympathica relatio stomachi parit robur aut languorem sympathicum in diversis organis. Hinc morborum nerveorum causa ferax , quos in hoc fonte petere oportet ut curentur .... sympathicè consentiunt imprimis



partes, quæ structurâ & functionibus congruunt; inter quas appositè ad morbos, temperare sympathiam, aut excitare, ciendo similes in illis affectiones, summa est ars medicorum. Hinc pedum ablutionibus aqua in pulmonis cellulis contenta fluxit ad ima tiliarum (*Lieberkuhn*). In morbis acutis, si vires organorum propellant sympathico consensu materiam morbificam in organum vitæ integritati essentielle, protinus debilitanda, frangendaque illa virium directio, avocanda ad alteram partem auxiliis potentissimis irritationum quæ vividos motus sympathicos attrahant alio. (a) Hinc ne propinentur purgantia, ne stomacho cibi ingerantur, ne quaecumque organum labore fatigetur, quando mali moles expellitur, absque periculo, periculum, quod postulat virium synergiam. Hinc elucet theoria fluxionum quæ producuntur à synergia motuum in quoddam organum, & curationis methodus ..... Hinc explicantur pungentes dolorum aculei qui ab uno membro ad aliud errant, & detegitur quò admovenda remedia ..... Ex virium sympathicarum doctrinâ prodit utilis theoria in vaporum nervorumque morbos, quam feliciter & sub aspectu novo evolvit *de Barthès* (*nouveaux élémens de la science de l'Homme*).

8 *Nota.* Ex præcedentibus percipi potest qualis sit relatio inter vim cohæisionis, contractionis, vim tonicam, absorbentem, nerveam sensitivam, sympathicam partium corporis: qualis earum connexio ad eosdem effectus. Qualia earum virium phænomena in œconomiâ animali.

9. *Vires reparatrices.* Compertum ac comprobatum est observationibus, corpus humanum continuo decomponi ac forsàn quolibet septenario

penitus renovari. Ergo opus est alimentis quibus fames & sitis cibari nos jubent, ut partes detritæ reficiantur & læsæ restituantur. Hic vis triplex considerata occurrit scilicet *vis digestiva*, *vis nutritiva* & *vis medicatrix*, quibus subjungenda *vis generandi*.

## I. *Vis Digestiva.*

10. Hæc vis spectari potest relativè ad vim tonicam & relativè ad solutionem alimentorum.

11. *Vis digestiva relativè ad vim tonicam.* Receptis alimentis ventriculus clauditur contrahiturque quod est effectus irritabilitatis. (3) Deinde vel quiescit vel leniter alterno motu agitur. Hinc stomachi tonicæ vires excitatæ, in toto corporis habitu excitant sympathicè vires tonicas. Hinc post epulas . . . . . Sensatio frigoris a cute contractæ: sensus ille roboris, quem experimur . . . . Intenditur pulsus arteriarum, respiratio, denique calor . . . . Ergo utile est, ut testatur experientia, hominibus qui versantur in atmosphera frigidiore, aut in elemento vitioso, duros, difficilesque cibos assumere. Hinc stomacho præbeas alimenta quorum diuturnior digestio, in morbis nervæis languidis, atque etiam in aliis, in quibus velut otiosa natura non fiat virium explicatio ad materiam morbificam subigendam (4, 70). Inde fortassè cur foemina, quam ipse vidi febre intermittente & languida jam dudum laborantem, post amplam fabarum cænam, acuto febris æstu correpta convaleuit . . . . Hinc si verum sit, quod vires foveantur exercitio, & debilitentur si torpeant inertes, sequitur detrimenta pati tonicæ stomachi vires ex cibis delicatioribus & ad digerendum facillimis. Hinc fons &



remedium quorundam morborum stomachi & morborum quos sympathicè toto corpore stomachus inferre potest (7) . . . . . Hinc juvat in certis morbis languentibus haurire potum, glacie refrigeratum, & sorbere alimenta frigida ( v. g. in phthisi, experientiâ teste ) hinc pueros durioribus alimentis, v. g. pane plebcio, alere optima consuetudo. Statutis patet synergeticus consensus inter stomachum digerentem & cætera organa. Periculosum igitur quidquid perturbat illum virium consensum & concentrationem. Hinc post cænam fugiendum est balnea, ni rigidior stomachi tensio relaxari postularet, labores mentis & corporis, quos si sustineas absque ullo damno sensibili, tamen stomachi vires ab radice enervant & frangunt, & sympathicè cæterorum organorum vires: unde fit ut natura defessa viribus tonicis difficiliùs periculosiùsque resolvat morbos acutos . . . . . Hinc causa, quæ apud homines stomachum aliquoties depravavit: hinc post cænam ab omni cessandum opere, & somno indulgere licet: hinc quam prudenter dandi cibi, cum status morbi criticus ad se vocat sympathicè vires cæterorum organorum (7).

Ex dictis patet quantum ad digestionem conferant vires tonicæ, quæ generant quamdam vim tritûs, quæ maximam expandit energiam apud quoddam volatiliu genus: hinc per frigus (2) faciliùs & majori copiâ digeruntur cibi: hinc robusti homines robustiori ad digerendum gaudent stomacho & debiles debiliori.

12. *Vis digestiva relativè ad solutionem alimentorum.* Hæc parva experimentis. In stomachum fluunt succi gastrici, quibus alimenta sol-

litas : ergo graviora instant mala , si bilis aliquo vitio laboret. Tum juvat præscribere extractum è bile animalium v. g. taurorum , vitulorum &c.

Aliquandiù post mortem superest vis digestiva , si cadavera aliquo caloris gradu foveantur. Hinc cur partem stomachi dissolutam viderit in cadaveribus *Hunter*. Hinc potest suspicari vera causa famis & sitis.

## II. *Vis nutritionis.*

15. Corpus non nutritur totâ materiâ quâ constant alimenta ; verùm ex illis extrahit , per vires digestivas , ( 11 , 12 ) materiam quamdam peculiarem cibis inhærentem ; sed quænam est illa materia ? . . . . Quod problema sic solvendum censeo.

Materia nutritia ea esse debet quæ easdem referat dotes ac materiâ , quâ conficitur corpus vivens. Porro materia corporis viventis dat *alkali volatile* , *oleum* , *gaz inflammabile* &c. Fermentatione putridâ decomponitur & foetidum cujusdam indolis spirat odorem. Atqui in vegetabilibus generatur materia quæ analysi subjecta refert eadem ac materia corporis animalis. Illa absque operâ educitur ex farinâ , aquâ dilutâ , quæ non fermentaverit ; eam *Rouelle* in succo viridi , in acidis plantarum ostendit. Hæc materia secernitur uberius ex plantis alimentariis , uti frumentum &c. Hinc . . .

### *Consequentia.*

16. Materia corporis quam vocamus *materiam animale* elaboratur in œconomiâ vegetabilium , undè per digestionem excernitur. Soluta fluidis resorbetur (4) , in sanguinem & totos diffusa per artus.



artus excipitur intus varia organa corporis, quibus per vim naturæ propriam unitur & quorum fit pars ..... Hinc incrementum & partium læsarum, restauratio, quorum phænomena sagaciori oculo respectivè ad vires tonicas (2), absorbentes (4), nerveas (5), sensitivas (6), sympathicas (7) speculari, & inter se conferre operæ præmium videtur.

Cum quædam corporis partes magis laborant quam cæteræ, sympathicè ad se attrahunt (7) auxilium aliarum quæ ad eas versùs dirigunt suam actionem. Indè ex consuetudine stabilis constituitur illa virium directio. Hinc cum nutritionis functio peragitur, abundantius ad eam partem affluunt succi nutritii. Hinc digestionem alimentorum evidentius reparantur quæ consueto genere vivendi magis infirmata sunt: hinc cur major pars dextra corporis; crura, tibiæ, humeri bajulorum torosiores; cur artus, atrophiam tacti, fuere restituti iteratâ percussione ferulis pice illitis (*Galien*).

Hinc conteruntur moduli interiores & molecula organica (*de Buffon*). Refelluntur ideæ physiologicorum qui vulgò prædicant ciborum substantiam in nostri corporis substantiam mutari, & ex his vagis ideis veram genuinamque putant tradidisse theoriâ nutritionis.

### *Adnotationes vel conjecturæ.*

17. Ex alimentis se expedit multum *Gaz* quod subit varia corporis vascula. Undè ille halitus, quem actio centrifuga vis absorbentis (4) emittit imprimis post epulas. Sed quædam pars ex *Gaz*, quam vocabo *gaz animale* concrescit & fit cum fibrâ

identicum. Materia enim animalis , de quâ suprâ ( 15 , 16 ), & moles ipsa corporis habendæ sunt tanquam coalitæ ex *gaz* concreto , cum vel minimâ aut ferè nullâ terrâ , cum fructus , aliaque alimenta vegetabilia, quibus vescimur , ipsæ etiam arbores ita sint compositæ ..... Indè quare sæpè caro animalium herbivororum redoleant saporem vegetabilium &c. quibus pascuntur : quare parisinus academicus , qui assiduo potu bibebat *vitriolicum æthera* latè illius liquoris spirabat odorem ..... Hinc ratio altera ( 11 ) cûr haustis vino vel aliis liquoribus repentè in membra , præcipuè in caput, quidam sensus roboris gratissimus serpit. Liquores enim vim suam mutuuntur à *gaz* , quod cuilibet peculiare est , ut propriis certus sum experimentis. In posterum , spero equidem , non iisdem districtus rerum laborumque angustiis , expromam in vulgus methodum simplicem educendi *gaz* principium vis insitæ cuilibet liquori & reddendi alternis vicibus , & transfundendi ex uno in aliud liquidum. Hinc fors utile videbitur ex medicamentis liquidis extrahere *gaz* & hauriendum propinare ægris : hinc quid efficiat vim medicatricem remedium certiùs innotescet ..... Hinc orietur *medicina gazea* interior quam vobis , Professores illustrissimi creare , promovere , certisque stabilire fundamentis datum foret ..... Ex unguentis cæterisque remediis ad plagas extrahi poterit *gaz* efficax quod brevi forsan restituet partes corporis læsas, quæ flaccescunt, solvantur, avolante *gaz*, quo stabant robore firmæ.

### III. *Vis medicatrix.*

18. Existunt vires quæ subigunt , amonent



potenti actione causas, quæ ad corporis œconomiam destruendam tendunt. Inter eas recensendæ vires de quibus suprà actum est. Earum effectus ad salutem corporis ex dictis innotescunt: aliæ restaurant corpus continuò detritum, laceras partes consolidant (10, 15) aliæ expellunt materiam quæ est causa mali (4, 7 &c.) aliæ refo-cillant languens sistema virium tonicarum (11.) quantas opes, quanta auxilia earum nîsus in unum coeuntes ministrant morbis curandis! quanta miracula pariunt apud animalia? Quare non eadem apud homines? .....

#### IV. *Vis generandi.*

19. Cum puer maturis adolevit annis, novam sentit fervere vim scilicet vim generandi, quæ in corpore utriusque sexûs mira parit phœnomena ..... hæc novum sufficit vigorem cæteris de quibus suprà (nº. 2, &c.) viribus, si integra inhibeatur. Quantæ autem strages iis ingruit, si temerè & immoderatè effundatur !... Quot & quàm graves morbi si vis data ad generis humani incrementum luctuosè vertitur in ipsius perniciem ..... Circà hanc beneficam naturæ vim multa ex fingendi libidine excogitata systemata, quæ insignis philosophus (Maupertuis) styli leporibus exornavit in suo opere cui titulus *la Vénus physique*. Sed hæc mole suâ ruunt, cum non innitantur experièntiis & observationibus cujusdam ponderis. Analogia, & observationes Halleri & Ch. Bonnet astruere videntur germina præexistentia in foemina, ex quibus foetum evolvit virilis generandi potestas; quæ ramen non penitus arrident vero philosopho.

20. *Vis respirandi.* Datum omnibus animalibus organum cujus dilatatio & contractio alternatim excipit ac reddit aërem, quodque organum eò magis intùs latet ab omni externo tutum impetu, quo magis vitæ integritati necessaria respiratio juxtà D. *Broussonet* Mœcenatis filium celeberrimum. Animalia sublatâ respiratione intereunt sed alia aliis diutiùs supersunt. Salubris indoles aëris ad respirationem pendet ex *aëre vitali* (*air vital*). Id genus aëris ad  $\frac{1}{3}$  (*Scheele*) vel ad  $\frac{1}{4}$  (*Lavoisier*) admiscetur aëri atmospherico, quem continuò purgant à noxiis vaporibus arbores, plantæ hauriendo *moffettam* (*moffette atmospherique*) & expirando aërem vitalem dum irradiantur solis ignibus ..... Hinc omnis aër, qui caret certâ *vitalis aëris* parte, uti *gaz fixum*, *gaz* de effervescente musto, cereviliâ, fodinis &c. ad respirationem ineptus est. Hinc animalia in his auris extinguuntur. Sed quæ vera causa necis? Pereunt, quòd illæ auræ subire nequeunt pulmonem, uti eruitur ex inconcussis experimentis; unde impeditur circuitus sanguinis. Hinc asphyxia hominum, quibus ad vitam revocandis adhibendæ irritationes, quæ pulmonis motum cileant; admovendum naribus *alkali volatile*, (vid. qualem id habeat relationem cum iis quæ dicta de vi nerveâ n°. 5), quod agit, ut potens stimulus, non autem neutrum reddendo acidum, uti cecinere magni nominis chimici.

Variis modis vitalis indoles aëris dignoscitur inter quos fallax experientia luminis accensi. Aër vitatur igne & respiratione, absumptâ parte vitali aëris atmospherici. Aër expulsus respirando nihil aliud est quàm *moffetta atmospherica* mixta



cum acido mephytico, & cum aliquâ parte aëris vitalis, ut demonstratur experientis chemicis ..... Hinc necessitas aërem renovandi in cubiculis, in nosocomiis, & purgandi ventilando juxta illud. Desaguiliers, effundendo aërem vitalem, qui è nitro extrahetur & præsertim è *manganesâ terrâ* ( *manganese* ) abque magno dispendio neque opum, neque temporis. Procul hinc methodus, quæ in usu est monspessuli spargendi per nosocomia incensos odores.

### *Notanda circa effectus respirationis. Undenam calor animalis ?*

21. Respiratio circulationi sanguinis favet, à quo exspiratio aufert vapores quàm plurimos. Vitalis portio aëris absorbetur : unde color sanguinis ruber ut certum est ex experientiis D. *Priestley*, quidquid ad eas impugnandas notaverit doctor *Adolphe Ypey* ( *Mémoires de la Société des sciences de Harlen*, vol. 19 & 20 ).

Ignis fortè à sole haustus latet in corporibus, quem indè excudimus scintillis, percutiendo, fricando. Vitalis aër illum evolvit in flammam, cui sufficit alimentum. Indè combustionis calorisque phenomena ..... Sic vitalis aër in corpore animali gignit calorem, qui intenditur si vitalis aër solus respiretur. Multa occurrunt observanda circa calorem animale qui spectari potest, vel ut melius dicam, spectari debet tanquam primordiale factum simplex, quod secum multa alia importat phenomena.

Calor animalis minuitur vel augetur à variis causis. Hinc non semper æquè calent animalia, ne-

que in omnibus partibus neque in omnibus circumstantiis ..... Calor communicat solidis & fluidis vim expansivam, quæ in immensum aliquando crescit : hinc illa interior molestia, quando supra modum incalescimus in statu morbofo corporis : undè urget necessitas cohibendi caloris intensitatem : hinc miri aquæ gelidæ effectus in quibusdam morbis ardentibus ..... Certi quidam limites ultrà quos non calefiunt fluida ; scilicet cum concipiunt eum caloris gradum quo ita expanduntur, ut reducantur in vaporem elasticum & æreum.

### *Consequentia.*

22. Hinc humores per corpus fluentes habent terminum quemdam caloris ultrà quem non excurrunt ..... Hinc cur calor sudorem protrudat per cutis spiracula ..... Hinc sudor abeundo in vaporem æstate aut febris æstu corpus refrigerat Hinc frequens potus aquæ calorem animale temperat, fervente caniculâ .... Hinc stupendorum ratio phœnomenorum, videlicet calorem humanum æstate non crescere juxtà majorem minoremve æstum atmosphæræ : hydrargirum descendere, si thermometrum ori admoveatur, ut in carolinâ expertum est. Angli in atmosphaera, cujus calor æquabat 109°. non potuere eodem instanti tenere manus immerfas aquæ calidæ ad 57°. gradum. Ergo ad hæc phœnomena & alia ejusmodi explicanda non necesse est confugere ad principium vitale ut D. de Barthés, ô magne vir des veniam, si tibi dissentiam.

Hinc æther haustus parit in præcordiis sensum frigoris : undè illi proprietas sedandi. Hinc præsentissimum remedium est contrà ventos, qui distendunt stomachum aut intestina & contra ebri-



etates à liquoribus qui spiritibus abundant, contrà vaporum accessus, quos calor ab extrinseco sæpè provocat....

Ex statutis de calore principiis intelligitur quare aliquandò corpora præsertim apud homines qui liquores ebibere solent, ardeant erumpentibus subito flammis.

Ex iisdem principiis sequitur aërem atmosphericum, quem spiramus conflare ex omnibus tum solidis tum fluidis, quæ tenuem in auram mutantur ex consueto gradu caloris quo orbis terreus calet. Hinc quis poterit aëris elementa retexere? Neque igitur mirum si chemicorum labores non valuerint ad hanc usque diem condere quid simile aëri atmosferico.


Calor plurimum confert digestionem atque nutritionem perinde ac vegetationem.

## II. *Vires mechanicæ.*

23. Primariæ leges staticæ suum sortiuntur effectum in brachiis, cruribus, ubi reperiuntur vectes ejus generis, in quo potentia maximam patitur virium jacturam. In corpore omnes partes æquilibrantur ac consistunt in uno gravitatis centro. Prout linea perpendicularis, ducta ex hoc centro in superficiem horizonti parallelam, cadit in basim, quâ tota innititur corporis massa vel excurrit extrâ, ad terram ruit corpus præceps, vel stat sede suâ erectum. Hinc explicantur multa phænomena corporis hinc & inde alternis vicibus agitati, motus saltatoris per funem rapidè volantis, situs hominum qui antrorsum vel retrorsum feruntur, prout pondus bajulant tergo aut

pectore; quare fatigamur collem ascendentes magis quàm euntes per æquata camporum æquora. Quare corpus eo situ potest consistere, ut incudes super pectus sustineat, & sinat ferrum malleis percuti, ut vincat nîsus sex equorum rhedam trahentium &c.

Hydraulicæ leges quàm plurimæ locum habent in circuitu fluidorum. Affrictus respectivi, qui eorum cursum morantur sunt inversè ut quadrata diametrorum canalium . . . . . In dilatatione aut contractione sphincterum aperta foramina crescunt in ratione inversâ quadratorum circumferentiarum . . . . . Elucet constitutio coordinata relativè ad leges refractionis luminis in conformatione oculi, in densitate humorum, quos continet, relativè ad leges reflexionis soni in formâ auris. Hinc excogitata sunt instrumenta diversa pro diversis quibus laborant defectibus oculi & aures.



## SECUNDA PARS.

### THESES

#### EX PHYSIOLOGIA MORALI.

24. **U**T tutò inquiratur veritas in hocce conspectu circà hominem moralem ab experientiâ & observatione ordinatis & bene conditis via aperienda & munienda, ut loquitur celebris Bacon. Sed undenàm observationes & experientias depromere? E memoriâ excidere pri-



*mastrarum sensationum, facultatum, idearum, cognitionum rudimenta. Quid igitur? . . . Repetam prima hominis nascentis tempora. Attentè perpendam, quibus in circumstantiis physicis versetur. Hinc experiar tentans assequi puerilium affectuum primordia, & inde progrediendo excutere, quid homo debeat naturæ, quid habitudinibus. Quidquid efferam, credo equidem, consequetur ex phænomenis, quæ quisque, in se respiciens, poterit advertere, & hinc judicare an vera an falsa, an rectè, an malè percepta fuerint, quæ in hisce thesibus proponam.*

## *T H E S E S.*

25. *Speculamen ad hominem in primo vitæ limine.* Quod in puero recens nato cernere est, ex primo conspectu, testatur inesse homini *principium sentiens*. Primæ hujus principii affectiones ab impressionibus objectorum in organa. Quænam autem illæ affectiones? . . . . . Sensatio aëris calidi aut frigidi agentis in corpus, impressio cunabuli in quo jacet: sensatio partium corporis, quæ sese mutuò premunt, sensatio soni, si quis affonat auribus. In iis & per eas *sensum suū existentis* habet. Ergò tūc nihil est respectu suū, nisi sensationes quas recipit . . . . . Hinc primæ sensationes sive dolor, voluptas, nullum infanti ingenerant desiderium, nullam notionem sui corporis, neque objectorum externorum.

### *Consequentia.*

26. Infanti recens nato sola sentiendi vis, passio nulla, nullus organorum usus, nulla idea,

nulla cognitio præter *sensum sui existentis* ; habitudo nulla. Hinc effulget verum istud homo *acquirat facultates quibus pollet* , præter sentiendi vim, *suas passiones, usum organorum, suas ideas suasque habitudines & cognitiones.* »

27. *Quid analysis in hoc opere investigandum exhibeat ?*

Innotescit qualis homo è naturæ manibus in vitales auras prodeat. Indagandum igitur superest *quomodo acquirat suas facultates, suas passiones, usum organorum, suas ideas, suas cognitiones, suas habitudines.*

28. *Quomodo homo acquirat suas facultates, suas passiones.* Homo ab ineunte vitâ variis obicitur impressionibus objectorum, quæ varias successivè inferunt sensationes. Hinc diversæ mutationes in sensu suâ existentis : necessariò aliæ placent aliæ displicent, indè oritur voluptas ( *le plaisir* ) dolor ( *la douleur* ). Hinc ineluctabiliter jucunda sectari, ingrata refugere cogitur homo. Hinc acquiritur *amor suû*. Indè principium, quo sentiendi vis ad actionem citatur. Hinc generantur omnes *facultates mentis, passiones animi.*

29. *Generatio facultatum.* Fames urget puerum paulò post suum ortum : hæc prima necessitas ( *besoin* ) ad quam placandam ori admoveatur lac nutricium. Sentiendi vis tota est in sensatione quam alimentum imprimit. Hinc nascitur attentio ( *attention* ). Cessante impressione succi nutritii, attentio principii sentientis aliquandiu retinet illius impressionis perceptionem. Hinc memoria in debiliore quidem gradu. Pluries his iteratis redivivus famis sensus excitabit memoriam sensationis lactis, quâ jucundè afficitur puer :



Hinc duplex attentio ; undè comparandi facultas ( *comparaison* ). Infans nequit attendere sensationi præfenti & sensationi præteritæ, quin percipiat hanc non eſſe alteram ; hinc facultas judicandi ( *jugement* ). Ergò in puero duo ſentiendi modi. Hos diſtinguit puer, quia in uno vividum habet ſenſum ſuû ( 25 ) & levem in altero, qui refer-tur ad præteritam ſensationem. Cum ſuum nove-rit corpus & objecta externa adverterit, eos diſcrepare percipiet, quòd in uno impreſſio nunc fiat in organa, in altero autem facta fuerit. Cum amor ſenſus ſuû ingratâ afficietur ſensatione, huic ſe eripere magis ac magis enitetur, totamque ſuam attendendi vim addet ad gratam perceptio-nem, quæ memoriâ ſubit. Hac attentione, eam ità ſæpè ſuſcitabit puer, ut illam ſentiet perindè ac ſi fruëretur illâ per impreſſionem ab externo in organa. Hinc ea quam vocamus facul-tatum *imaginationem*. Certis arctè, ut teſtantur facta innumera, circumſcripta limitibus ſentiendi vis : hæc igitur tota ab imaginatione attrahi pote-rit atque huic ſe penitùs dedere facultati : hinc explicantur phænomena moralia, quæ ſunt, de ge-nere facti mirandi, quod referunt hiftoriæ de *Archimede*.

Ubi puer præditus memoriâ experitur ſensatio-nes ; quæ ſibi ſuccedunt, judicat ſe eſſe idem ens ac antea : hinc quod illuſ. *Pascal* vocavit *le moi* in homine.

### *Conſequentiæ.*

30. Hæc prima facultatum rudimenta, quæ ſunt ſemina aliarum, quibus homo eminet. Ana-

lysis ostendit quomodo sentiendi vis illas pariat facultates, quomodo eas è suo femine trumat & evolvat amor suus ( 29 ) . . . . Quâ proportionē puer attentionem, memoriam, comparandi, judicandi facultates exercebit, attendet, meminerit, comparabit, judicabit multò facilius: hinc illæ facultates vertentur in habitudinem. Ergo facultates hominis tenues in origine suâ incrementum roburque ab exercitio accipient.

Ergo cum puer utens suis organis recipiet novas sensationes, nova objecta advertet, ejus attentio ab uno ad aliud ibit & redibit. Hinc *reflexio*. Reflectendo varias eliciet puer comparationes, feret judicia, quorum alia ex aliis deducet. Hinc *ratiocinium*. Indè sic orientur & efflorescent, *humana ratio*, *intellectus*, *ingenium* &c.

31. *Passionum ortus*. Puer meminit jucunda quæ expertus est. Hinc cum malè afficitur fame, comparat præterita cum præsentibus. Undè plus minusve patitur: hinc *egeſtas* ( gallicè *besoin* ) urget magis & magis. Principium sentiens dirigit omnes suas facultates ad sensationem, cujus sentit egeſtatem. Hæc facultatum actio generat *deſiderium* ( *deſir* ) inter suas sensationes varias puer sæpè atque iterum deſiderabit eam quæ, ſi accederet, magnam ſibi inferret voluptatem: hinc eidem deſiderio aſſueſcet. Hinc præpotens & habituale deſiderium; ergo *paſſio* ( *paſſion* ). Cura vigil nutricis efficit ut quoties puer appetit alimentum toties expletur illius deſiderium. Hinc poſt multa ejusmodi tantamina adjiciet puer deſiderio ſuo iſtud iudicium: deſideratis frui debeo. Indè primi fulgores voluntatis ( *volonté* ): hinc illius imperium



fovere, aut frangere possunt qui puerorum cunabula circumveniunt. Indè prima semina animi docilis aut indomiti, superbi aut humilis, lenis aut prona ad iram: hæc vertuntur in habitudinem. Hinc peculiaris indoles ( *caractere* ) quæ vim suam exerit iterum atque iterum quolibet vitæ tempore & quæ novas vires acquirit etindo.

### *Consequentia.*

32. Hinc quot & quantis vitiis aut virtutibus mater potest puerum imbuere ab ipsis cunis. Verum igitur & magni momenti effatum philosophorum, qui jubent incunabulis adesse præceptorem.

Homo infans, puer, adolescens, juvenis, vir, senex experietur ab objectis quæ occurrent obviam sensationes gratas vel ingratas. Hinc amor sui, qui idem fervet in omnibus hominibus, varias recipiet modificationes aliæ aliis vividiores pro variis vitæ regiminis socialis conditionis circumstantiis. Hinc nascuntur innumera desideria, omnes passionēs, quibus homo mancipatur, invidia, avaritia, ambitio honorum, gloriæ, superbia, immanitas & omnes necessitates imaginariæ, omnes passionēs fictitiæ: hinc diversæ passionēs fortes ac constantes: quæ varias constituent caracteres . . . . . Hinc affectus, habitudines quæ virtutes aut vitia erunt, prout congruent vel non, cum legibus religionis, societatis. Ergo indoles virtutes & vitia sunt acquisitæ.

Hinc non à naturâ indoles, nulla virtutis semina animis insita; *nullus sensus moralis* ( *sens moral* ) nobis innatus. Nullus humanitatis sensus ( *sentiment d'humanité.* ) ab origine. Is enim sensus pectori illabatur, intuendo infelices & reflec-

tendo nos posse vicissim iisdem objici doloribus, calamitatibus ..... Hinc quid non debeatur educationi?... Hinc alto à culmine ruit systema J. J. Rousseau, qui verborum fastu jactavit, ceu quid novi detexisset, omnes homines nasci bonos.

33. *Quomodo homo acquirit usum suorum organorum.* A primo vitæ instanti aperiendo sensus, oculos, aures &c. non videmus, non audimus &c. perinde ac postea. Enim verò ut primum ab extrinseco adveniunt impressiones in olfactum, gustum auditum nascuntur sensationes. anima habet sensum suum in odoribus, saporibus, sonis, & nequit sibi aliud videri præter odorem, seporem, sonum quibus percellitur. Ergo per eos nihil extrinsecus exhibetur. Hinc falso asserit Buffon olfactum in animalibus dirigere ac determinare omnes motus corporis ab ineunte vitâ ..... De visu uti de iis organis dicendum. Lumen parit sensationem colorum, qui nullam perceptionem rei extrinsecus existentis neque extensæ secum important. Hinc puer omnia in suis oculis videre debet, ut testatur experientia in cæco, cui extracta cataracta (Chezelden) ..... Ergo magnitudines, situs, distantias non sunt visus objecta propria & immediata.

Curiosum foret investigare qualis homo evaderet, si iis tantum uteretur organis; quales suæ facultates, passionēs, cognitiones.... Esset præditus iis facultatibus quas analysi deteximus (28) consuetudine sui juris fierent atque eas ad arbitrium regeret, educeretque è suis sensationibus ideas abstractas soni, musices; sed non quales habemus; ideas numeri, colorum variorum, & ideas durationis; sed in iis valdè circumscriptus, limitatus quia caret signis. In illo orirentur passionēs plus minusve vio-



lentæ (32). Sed esset orbatus pluribus passionibus quæ nos vexant, hinc & indè agunt. Careret ideis geometricis algebricis & omnibus quæ ex illis tanquam fonte suo manant; ideis moralibus, politicis &c.

34. Problema solvendum. *Quomodo igitur erudiantur illa organa? Quomodo discant extendere extra se sensationes quæ percipiuntur in mente? Quomodo anima suas affectiones transfert ad objecta ad quæ nequeunt pertinere?* Resp. hæc docentur ac fiunt tactu duce ac magistro.

Ex sensationum naturâ puer cogitur alias inquirere & alias evitare (28). Sic excitatus à variis sensuum perceptionibus, solutis manibus, primos inscius motus peragit. Tangit corpus suum & cætera. Experitur resistantiam. Per hanc sensationem diversè modificatam à duro, molli, polito, rudi &c. res distinguit & extensionis ideam comparat. Hinc ideæ magnitudinis figuræ, distantiae. Iteratis experimentis observabit, quibusdam præsentibus corporibus, quæ tangit, advenire sibi sensus varios iis autem absentibus interire; hinc detegit sua organa visûs, auditûs, &c. judicabit suas sensationes oriri ab objectis externis, & illis inesse: sæpius iterando eadem judicia, iis assuescet eaque feret statim atque sentiet. Hinc suas credit sensationes esse modificationes corporum; idque etiam sine tactûs adjumento .... Sic reflexionis ope efformantur habitudines & iis obsequimur absque præviâ reflexione. Ex dictis certum qualitates corporum esse ipsasmet nostras sensationes. Hinc phænomena orbis universi intûs animam & non extrâ peraguntur. Hinc verum cognitionum humanarum objectum complectitur res, quales sunt relativè ad nos &

inter se prout nobis videntur .... Hinc quanti intersit in cunis etiam organum tactus quam plurimum exercere. quædam hinc peculiaria.

### *Addenda de auditu & visu.*

35. *Auditus.* Tactu docta auris judicat de distantis; in compositis sonis plures percipit sonos. Ea autem non distinguit nisi sensibiles notas discriminis gerant ..... Hinc unicus auditur sonus à duabus auribus & quando plures soni proximi sunt unifono. Ex legibus physicis explicatur quàm idonea & apta sit auris forma, quare robore crescat sonus in fornice elliptico parabolico. Inde theoria instrumentorum, quæ vocamus gallicè *porte-voix*, *cornets acoustiques* &c.

36. *De visu.* Puer simul exercens tactum & oculos, conjungit simul sensationes visus & sensationes tactus, quoad magnitudinem, figuram, distantiam, situs, ex longuo usu fit; ut, cum luminis impressiones renoventur, judicia tactus iis adjuncta renoventur perinde ac si tactus & visus simul agere pergerent. Hinc visu apprehendimus magnitudinem, figuram &c. objectorum. Quot & quantis reflexionibus erudiri debuit oculus! quot & quanta judicia proferre necesse fuit! quæ omnia non advertimus, utpote consueta.

Sed quare solus ex aliis oculus à tactu didicit extendere suas sensationes in superficie? . . . .

*Resp.* . . Radiis luminis juxta viam directam euntes per idem medium se intersecant, quin permisceantur & confundantur. Videndo juxta hujuslibet radii directionem, referimus luminis impressionem ad diversa spatii puncta. Indè extensionis sensatio



rio; res non ità in corpusculis odoriferis & sonoris.

Manus cogit oculos pueri judicare; ut ipsa sentit, & dirigi, sensationesque referre ad idem punctum ac ipsa. Hinc objectum non cernitur duplex ab infantiâ: neque inversa objecta: frustrâ hic obicitur cum celeb. *Buffon* imago objectorum quæ inversa pingitur in retinâ. Nulla enim imago in oculo delineatur, cum nullus sit color, cum adsit tantum commotio à radiis.

*Observationes circa judicia de magnitudine,  
de distantiiis.*

37. Majus vel minus corpus ex visu, velut ex tactu, videri debet prout major vel minor pars retinæ commota. Hinc quâ proportionē recedunt objecta, decreſcunt, atque penitus evaneſcunt, cum ferè nulli aut debiliores radii oculum feriant. Hinc ex legibus refractionis elucet, quare microſcopii & teleſcopii ope objecta vel minima & remota, appareant maxima . . . . Majoris vel minoris distantiae idea adjungitur cum visu sub-obſcuro & confuſo figuræ, cum visu lucido & diſtincto, cum visu majoris vel minoris magnitudinis, cum multitudine objectorum, quæ interpoſita ſunt. Reciproce idea majoris vel minoris magnitudinis additur majori vel minori distantiae quæ apparet. Moveri videntur objecta cum ad diverſa puncta ſenſibiliter diſſita in dato tempore referuntur. Hinc æſtimantur distantia, ſitus non ex concurſu radiorum luminis, ut volunt Phyſici, ſed ex luminis in oculos impreſſione, cui accedunt judicia quibus aſſuevimus, tactu duce; ex his &

illâ componuntur sensationes visûs. Hinc dubitari potest de veritatè ratiocinationum & demonstrationum physicorum ut probent objecta intrâ speculum ad eandem distantiam apparere ac sunt extrâ speculum.

Ex dictis statuitur fundamentum quo nituntur principia illius partis picturæ quæ vocatur gallicè *perspective*.

Sed quare in picturâ oculus & tactus sibi contradicunt. *Resp.* Ubi semel oculus à tactu eruditus didicit percipere objectorum formas ex certâ impressione luminis, non amplius consulit suum præceptorem, ex se ipso judicat: undè eâdem redeunte impressione, eadem iterat judicia. Quorum error nequit emendari cum non utatur tactu duce ac magistro.

Hinc explicantur visûs phænomena, quare cælum convexum, major in horisonte & minor in meridie sol; luna rapidè mota, cum venti agunt nubes; objecta per noctem, quæ parva sunt, magna, & quæ magna, parva &c. videantur.

Ex dictis exploduntur multa quæ asserit *Buffon* in suo discursu de sensibus, & auctor operis cui titulus: *lettre sur les aveugles à l'usage de ceux qui voyent*.

## AD NOTATIONES.

38. Quò magis premit necessitas eò magis hunc vel illum exercemus sensum: indè eò frequentius redeunt hujus aut illius organi sensationes, judicia. Undè hoc aut alterum organum nobis dabit plures perceptiones quàm aliud.... Hinc intelligitur, cur auditus, olfactus, præcipuè tactus in

*See qui typis dedit hoc opus in Angliâ  
exori Montuani quondam M. L. L.*



cæcis; perfectiores, delicatiores quàm in cæteris hominibus; cur autem minùs apud nos? . . . . . Frequens & facilis oculorum usus efficit, ut utamur minùs aliis ad æstimandos ex sono situs, distantias, ad distinguenda corpora ex odorum discrimine, ex varietatibus, quas manus detegeret palpando. Ergo visus nocet aliorum sensuum iudicio.

Cæterorum sensuum sensationibus semper accedit *phænomenum extensionis & coloris*. . . . . *Explicatur.* Dum tactus erudiebat organa, continuo recurrebat sensatio extensionis, quæ debuit necessario misceri, & confociari cum ideis ac sensationibus cæterorum sensuum; undè simul redeunt. Visus autem extensionem semper exhibet coloratam aut lumine illustratam. Hinc nunquam in mentem, venit corpus odoriferum, sonorum, vel palpabile quin concipiatur distinctum à coloribus & luminis radiis.

Si sensus aliquis deficiat, facile est cognoscere quibus homo careat ideis, & inveniri possunt media, quibus ille defectus suppleatur, ut ea quæ excogitavit & quibus felici exitu usus est Abba*si de l'Épée* in surdos & mutos, alii in cæcos.

Ex statutis sequuntur quædam principia educationis ad revolvendum organa in pueris.

39. *Quomodo homo acquirit suas cognitiones.* Nihil ex objectis externis innotescit nisi per sensationes. Sensationes autem non recipimus, nisi per organa. At verò ut cognitiones paremus non satis est, habere organa. Necessum est, ut rectâ methodo iis utamur, mentisque facultates (30) exerceamus in materiâ cognitionum humanarum videlicet sensationes. Sed qualis illa methodus? . . . . . Eam natura edocet: quid illa velit

& faciat , speculemur & sequamur : non enim fingendum aut excogitandum sed inveniendum quid natura faciat aut ferat. ( Bacon ).

*Indagatio methodi quam natura hominem docet ad cognitiones comparandas.*

40. Ut primum homo premitur ab aliqua necessitate ( *besoin* ) (28) v. g. fame, siti, invitus ruit in objecta quæ occurrunt & iis sua applicat organa. Voluptatis aut doloris sensu natura docet monetque , an sint idonea vel non, explendæ necessitati quæ urget. Sic vera judicia confirmat & falsa destruit , cogitque ad novas semper recurrere observationes & experientias , donec detecta fuerit veritas. Sic naturâ duce , puer studet objectis , ordine relativo ad eas quæ , pro rerum circumstantiis , instant necessitates explendi famem , sitim , muniendi se contrâ intemperiem climatum , se tutum præstandi à variis periculis , casibus , qui imminet. Sic iteratis observationibus & experimentis detegit , & perficit incognita , quæ sunt conservationi relativa. Indè tutò ac rapidè comparat multas cognitiones , à primis etiam vitæ diebus. Tum quælibet cognitio suam mutuatur originem ab aliquâ necessitate peculiari. Necessitates renascuntur & sibi succedunt perpetuò. Undè renascuntur & sibi succedunt operationes , idearum series in mente & motuum in corpore , qui pendent à quâlibet necessitate. Hinc iis assuescimus , & absque reflexione repetimus , quæ fuerunt reflexionis opus.... Indè ità connectuntur , ut hoc aut illo redinte-



grato, redintegrentur cætera. . . . . Hinc habitus  
dines tum animæ tum corporis, relativæ ad ani-  
malis conservationem, & quæ falsò putantur  
innatæ. . . . .

### *Consequentia.*

41. 1°. Natura docet inquirere veritatem per  
observationes & experientias. Ab hâc veritatis  
viâ deflectimus ubi judicamus de rebus non ne-  
cessariis in quibus natura nobis sua denegat  
monita. . . . . Hinc errorum fons. . . . .

2°. Quare mens humana, in quibusdam arti-  
bus citius ac tutius progressa fuerit, quam in  
aliis, ut historicorum testimonio compertum. Quare  
apud homines, populos, varia industria, artes  
variæ, variæque ideæ, quæ in mentem aliorum  
non cadunt. Quare nata matheseos scientia apud  
Ægyptios potius quàm apud alios. Quare sylva-  
rum incolæ præstant civibus in exercitiis, quæ  
ad corpus, & cives sylvicolis in exercitiis, quæ  
ad mentem pertinent. . . . .

Quàm interesset à teneris annis educando  
homini præesse virum, qui, velut natura sagax,  
oriri necessitates sineret, infantulumque exerceret,  
angeret & permetteret sibi-ipsi & variis experientiis  
& observationibus. Hinc illi daret cognitiones  
præcticas, quas co ordinaret ad rationem necessi-  
tatum, quas successivè contraheret puer instituen-  
dus: nunquam satisfaceret illius curiositati falsa,  
aut obscura comminiscendo. Hinc proh! quot &  
quanta ab illius mente averteret præjudicia,  
errores, quos semel haustos fortasse nunquam  
exueret. . . . . Quot & quanta igitur mala apud

nos materiam paternaque, & publica educatio infer-  
rat. Et quoniam, ut supra diximus, natura non docet  
nisi per sensum, ita ut per sensum tantummodo

*Quomodo natura per analysim doceat  
objecta observare, & inde eruere varias  
idearum species.*

42. Cum tactus erudit cætera organa, sen-  
sationes spectantur tanquam qualitates objecto-  
rum: fiunt igitur imagines corporum representa-  
trices. Hinc *ideæ* vocantur (à voce græca *eido*).  
Sensus quilibet menti ingenerat separatim suas  
sensationes, quas seorsim naturam explorare cogit,  
monente dolore aut voluptate; Hinc successivè  
quantitates objectorum observamus. Ergò decompo-  
nimus qualitates objectorum: mens nostra in  
unum colligit qualitates, quas sensus separant: hinc  
recomponimus. Unde notiones compositæ. Hanc,  
velut quodam instinctu, sequimur methodum de-  
componendi ac recomponendi quando acquirimus  
novas cognitiones. Hæc est methodus analysis.  
Primæ nostræ ideæ sunt individuales. Per ab-  
tractionem quam natura docet (vid. supra) con-  
ficiuntur exemplaria ad quæ referimus objec-  
ta, quæ videntur similia: hinc ideæ generales, è  
quibus nascuntur ideæ minus universales, cum  
analysi observando magis ac magis res discrepare  
percipimus: Unde ideæ particulares. Hinc distri-  
butio & series, quæ generantur ideæ, singula-  
res, universales & particulares. Quod systema  
idearum non in rebus ipsis existit, sed effingi-  
tur, per nostrum res concipiendi modum, à  
naturam tamen non à Philosophis inventum, quæ



recto ordine disponuntur ideæ. Unde vitiosa quæ  
 invaluit consuetudo ordiendi scientiæ cujuscunque  
 tractationem à generalioribus principiis, quæ qui-  
 dem methodus scientias non promovet. Imò etiam  
 manca ad determinandas ideas, definitionibus  
 per genus & differentiam specificam, axiomati-  
 cibus, ratiocinationis vitium non corrigit illa licet  
 geometriæ, in scriptis suis uti soleant, non ab hac  
 tamen mathesis, sed ab analysi suam mutuatur  
 certitudinem ac præcisionem . . . . . Hinc . . .

*Errorum causæ, præsertim in medicinâ:  
 remedia.*

43. Natura nobis sua dænecat monita, tum sus-  
 cipimus judicare de rebus quæ ad nêcessitates non  
 pertinent. Hinc ab observatione & experienciâ, ab  
 analysi deflectimus. Res tales vel tales supponimus  
 ac fingimus sine ullo examine. Hinc judicia tum  
 falsa, tum promiscuè vera, tum incerta, quibus  
 assuescimus & adhæremus firmiter. Recipimus tan-  
 quam veras, opinioniones eorum quibuscum vivimus,  
 eorum quorum auctoritas ac veneratio nos incantât.  
 Hinc judicia, ideæ falsæ ex quibus cogitamus ac  
 nova proferimus: hinc inveteratæ ac prævalidæ  
 mentis habitudines, quæ alius in dies infiguntur,  
 erroresque augment, tuentur ac defendunt.... Hinc  
 causa errorum, qui medicos inficiunt & à genera-  
 tione in generationem transmissi creduntur; quisque  
 commenta sua, suæque fabularum systemata publi-  
 cat, novos veteribus addens errores. Si naturam  
 speculetur, eam explorat oculis, quorum aciem  
 idola notionesque falsæ corruerunt, & ex iis idolis

notionibusque naturam interpretatur, & comminiscitur propriam sibi methodum juxta quam semper progreditur. Unde cum anglo illust. (*Bacon*) dicam » omnia vel traditionum caligini vel argumentorum » vertigini ac turbini, vel casus & experientiae » vagae & inconditae undis atque ambagibus permittuntur. » (*Aph. 82 de novo organo lib. 1<sup>us</sup>.*) Hinc accidit, ut medicorum scientia immota suis vestigiis haerit, & ad haec nostra usque tempora incrementa digna genere humano non sumpserit, dum caeterae scientiae tot ac tantis progressibus auctae effloruerint.

Quomodo huic malo mederi possumus?.... Restat unica salus ac sanitas, uti saepe saepiusque loquitur *Bacon*, ut opus mentis in universum de integro resumatur, atque omnis medicinae doctrinae fiat restauratio: submovendae ac velut uno ictu delendae ex intellectu omnes notiones quas excepimus. Ab experientia & observatione, per analysim bene ordinatis ac bene conditis, ad veram medicinae artem aperiatur via; novum condatur medicorum cogitationum systema, omnium idearum repetendo originem ac generationem evolvendo. Illius methodi adminiculis errorem mens effugiet tuto progrediens in inquirendam veritatem, assurgens ad novas sanasque & integras artis medicae cognitiones, quales à vobis, Professores sagacissimi, audimus, avidisque ebibimus auribus, cum publice perorantes novam lucem nostrum percellitis animum, thesauros & arcana naturae panditis, multa alio ore indicta, haecenus non praetervisa expromendo, in eam quam quisque sibi edocendam ingenioque suo illustrandam, promovendam, artis medicae partem sibi vindicavit. O praecleara Monspessuli universitas, quae ab



omni ævo suprâ cæteras nitidum extulisti caput, & in hisce temporibus superbiùs effers. Per tot volventia sæcula, quot in sinu tuo fovisti viros percelebres ! quot foves hodiernis diebus, qui puro doctrinæ lumine, errorum tenebras discutiunt & novum splendori tui nominis addunt decus atque ornamentum ! universum terrarum orbem irradians gloriæ tuæ fulgoribus, ad te ex remotissimis gentibus nascentia ingenia advocas attrahisque, velut ad tutiorem medicinæ portum.

*Media quæ natura dedit homini ad analysim : conspectus physiologicus in gestum, linguas, algebram.*

44. Natura, quæ hominem ad (40) observationes & experientias per analysim (42) informat, media sufficit ad eam rectè conficiendam, nempe gestus, voces, notas arabicas in arithmeticâ, litteras in algebrâ.

Gestus toto corporis habitu diffusus ex nostrorum organorum conformatione pendens, naturæ quodam instinctu discitur, fitque methodus analytica sensationum; gestûs sermonem primum locuti sunt homines & loquuntur. Hujus præclara extant vestigia apud orientales populos, apud prophetas, quorum acta philosophi malè increparunt velut absurda & fanatica, apud romanos, quorum in theatro actores muti, solis gestibus in scænâ tragicâ & comicâ personam agebant : nota decertatio inter roscium & ciceronem. Apud nos abbas *de l'Épée* immortaliter de patriâ, de hominibus meritis, gestûs sermonem ità percalluit & perfecit, ut illius

ope imbuere furdos & mutos variis linguis & cognitionibus.

Ita homo constitutus est ut voces edat .... Hinc pro diversis animæ affectibus sonos proferre debuit & ferre motibus organi. Hinc articulatio, quæ imitari sonitum objectorum resonantium in promptu fuit, aut in infantibus observatur. Hinc facundus verborum fons, quibus nova accesserunt per analogiam inventa. Hinc origo linguarum, quarum ortum excitavit gestus & auxit, dum novæ necessitates novas ingenerabant menti ideas.

Hinc linguæ plus minusve extensæ, majori vel minori verborum copiâ ditatæ apud gentes varias. Hinc quale discrimen inter sylvicularum & franciæ linguam .... Linguæ gerunt vicem gestus. Unde vicissim sunt totidem methodi analyticæ. Quæ quidem methodi perfectæ sunt, cum obsequimur naturæ monenti (40). Sed fiunt imperfectæ cum extra veritatis viam (43) excurrimus. Sunt methodi imperfectæ linguæ, quæ constant vocum farragine è signis extraneis, barbaris, tanquam per abscissa membra collectarum, & quæ male determinatæ per ora hominum volitant.

Voces linguarum sunt totidem vincula, quibus addimus & constringimus diversas ideas ac notiones, quas analysis è sensationibus eruit .... Hinc quantum adjuvant facultatum exercitium & evolutionem, & idearum augmenta. Hinc explicatur istud phænomenum; flōrent ingenia apud qualemcumque gentem, ubi vernacula lingua perficitur, omnesque artes tum mechanicæ, tum pulchræ (*arts mécaniques, beaux arts*) vigent, ut testatur historia mentis humanæ. Quò clarior simpliciorque in suis signis lingua, eò facilior evādet idearum



comparatio, perceptio relationum, & aliarum  
idearum combinatio. Hinc commoda, quibus cæte-  
ras linguas antecellunt notæ arabicæ (*les chiffres*)  
algebra (*l'algebre*), quæ veræ linguæ sunt. Hinc  
affulget ratio, cur, notante *la Condamine*, qui-  
dam populi non ultra tres, numerorum ideas com-  
paraverint. Hinc quare algebra inventa & perfec-  
ta miris protulerit scientiarum progressus in ma-  
thesi & physicâ. Patescitur progressus in chi-  
miâ illa, quam anno proximè elapso confecerunt  
linguam (*methode ou nomenclature chimique*,  
*proposée par MM. de Morveau, Lavoisier,*  
*Bertholet, de Fourcroy, Juin 1787*) philosophi,  
perpetuo ævo commendandi & æternum meriti  
de scientiâ chemicâ, quam excolunt, novâque  
quotannis inventionum accessione amplificant. In  
hâc linguâ analogia ducet facili viâ ad cognitiones,  
ostendens atque revocans in mentem, absque le-  
viori reflexionis labore, generationem & combina-  
tiones varias idearum chemicarum.

1. Dicta de linguarum, influxu in mentem huma-  
nam confirmantur per ea quæ referuntur de puero  
capto in silvis propè Russiam anno 1694, de puellâ  
captâ in Provinciâ gallicâ (*dans les bois de Songi*  
*près de Châlons en Champagne*), de muto &  
surdo qui annos natus 23 statim audivit (*Hist. de*  
*l'Académie des Sciences an 1703*).

Hinc quanti interest pueros edocere linguam  
quæ sit eorum ideis (40) accomodatam; cavere ne  
ipsi maturius loquantur linguam, quæ ipsis non  
compeit.

### Consequentia.

45. Omnia in naturâ unicum conficiunt systema;

Homo nascitur præditus sentiendi vi. Hinc sensationes quæ necessariò jucundæ vel injucundæ sunt. Indè oriuntur necessitates, desideria, passionēs (31). Hinc variæ facultates (29), observationis & experientiæ (40) & analysis methodus (42): habitudines, tum animi, tum corporis, relativæ conservationi. Sed quomodo hæc omnia reget homo? Quomodo de his disponet? Adhibendo gestus, linguam vocum, notarum arabicarum, algebrae ..... Cum his instrumētis homo elaborat materiam suarum cognitionum, scilicet sensationes, & ad sublimiora assurgit ..... Hæc eadem apud omnes homines ergo....

### *Undè tanta inæqualitas inter homines?*

46. Non quidem oritur à variâ & inæquali perfectione organorum, ut vulgò creditum est, neque ab inæqualibus animi dotibus, quibus homines falsò à naturâ donati putantur. Nam ingenium (gallicè *génie*, *esprit*) consistit in actione, in perceptione relationum incognitarum, in novarum idearum combinatione. Porro omnes homines gaudent iisdem ad hæc facultatibus, quæ ex eodem principio apud omnes nascuntur (28). Omnes possunt concipere easdem passionēs (32) quibus earum attentio attrahitur ad res varias. At pro diversis circumstantiis, in quas fortuitò incidimus, pro inæquali educatione, diversæ in nobis exsuscitantur passionēs, quæ nos potenter impellunt ad reflectendum in hæc aut illa objecta, vel ab omni nos avertunt reflexione. Hinc causa dotum (*talens*) quibus homines ipsæ etiam rationes aliæ aliis præstant (40).... Hinc, cur quidam



homines & populi molli otio torpent, ab omni mentis labore abhorrentes.... Causa etiam inæqualitatis altera, ab inæquali industriâ in adhibendis mediis, quas natura dedit ad cognitiones... Ergò neque influxus climatum, neque aëris ingenia creat... Ergò non nascimur *Poetæ*, neque *Oratores*, neque *Medici*, &c. juxtà vetus proverbium, sed fimus, educatione, tales quales sumus *Poetæ*, *Oratores*, *Philosophi*, *Medici*, &c., pro habitudinibus quas contrahimus.... Sed undè tam pauca florent ingenia? *Resp.* Paucis licet per rerum angustias, quibus premuntur, excolere mentis faculates, sequi genus laboris, quò magis delectantur. Hinc eruitur ratio plurimorum phænomenorum quæ ad cultum litterarum pertinent.... Hinc quid educatio possit in mentem humanam? At duo homines nunquàm eadem instituuntur educatione....

*Undè inæqualitas quæ inter hominem & belluam? .... Instinctus animalium.*

47. Probat analogia animalia sentire, meminisse judicare. Habent sensus nostris similes, quos tactus erudit. Minus autem perfectus est apud animalia. Ungues, cornu pedum obstant quominus detegant quidquid apud nos artificium manûs requirit. Hinc prima causa, cur homo præstet animalibus.

Animalium agendi ratio probat, illa multas fecisse comparationes, ut discerent suæ conservationi invigilare. Illæ actiones ex longo usu vertuntur in habitudines sicut apud nos (40). Ergò belluæ inveniunt, perficiunt. Pro variis adjunctis in quibus versantur, aliæ fiunt aliis peritiores. Sed multò

minus quam homo. Contrà aggressorem armatæ unguibus, indutæ plumis aut pelle contrà frigus; undè earum necessitates pauciores quam hominis. Non eadem media ac nos ad analysim sensationum habent (44). Brevior earum vita; ineunt societatem sed fugitivam. Nulla suas disquisitiones ad alias transmittit. Hinc causæ inæqualitatis inter homines & belluas.

Animalia ejusdem speciei premuntur ab iisdem necessitatibus, & ut eas explèant iisdem utuntur mediis, quæ ex organorum cõformatione pendent. Hinc eadem in omnibus habitudines. Ergò eadem debent facere; etiamsi quodque animal nullum iniret commercium cum suis. Renascente necessitate, iterantur absque reflexione motus vitæ conservationi necessariis. Hinc instinctus (*instinct.*)

Ubi animalia fecere satis suis necessitatibus, quiescunt, nihil ultrà expetunt: nihil ultrà inquirendum habent. Restat, ut habitudinibus contractis obsequantur. Ergò animalia solo instinctu prædita. Rarò accidit, ut reflexionem adhibeant.

*Ratio humana, ingenium, &c. pulchrarum  
Artium inventio... acquisitio variarum  
idearum.*

48. Homo instinctu suo præditus, reflectit continuo: curiosè aliquid speculatur, inquit, analysi solvit. Hinc conficit ratiocinia, quorum tota vis petitur ab identitate... Ex memoriâ, comparatione, judicio, reflexione, rectè ordinatis exsurgit *ratio* (*la raison*) quæ semper agit in homine, cogitationes regit, pro variis adjunctis venit, in auxilium instinctui



Hinc intellectus (*entendement*), qui quotidie robore crescit & cognitionum opibus; & qui suo ambitu complectitur quidquid est cognoscibile. Talibus rerum angustiis homo circumscribi posset, ut totus abriperetur ad necessitates vitæ primarias explendas. Hinc nulla affulgeret in illo ratio, tales illi de quibus supra (46). At verò cum homo largius faciliusque primas vitæ necessitates explet, sectatur objecta, quæ dulce tiillant animam, morales affectus experitur, gaudio gestit, suas affectiones, verborum energiâ exprimit, canit, saltat. Hinc prima poeseos, Musices, saltationis rudimenta. Cupidus voluptatis, quærit undè possit instillare per organa pares voluptatis sensus, ac natura, sua media imitando, ut imitetur illius effectus: undè pulchræ Artes, quæ, ut ait *Cicero*, veluti quodam vinculo inter se continentur, nimirum *imitatione naturæ*. Homo imaginandi vi fingit quid compositum ex naturæ thesauris depromptum, vel incognita detegit. Indè ingenium, (*génie*) cujus stupendi foetus emicant in operibus *des Corneille*, *des Newton*, *des Barthés*, &c. contemplator assiduus naturæ & operum Artis expandit quid displicere, quid placere possit. Hinc sibi affingit varia exemplaria pulchritudinis, & ad ea comparat Artis opera, & fert plurima judicia relativè ad id quod pulchrum est. Sic assuescimus ea proferre judicia, ea elicimus ità rapidè ut cum sensatione confundantur ad aspectum operis, anima que non judicet, sed potius sentiat ac delibet illius pulchritudinem, veneres, lepores: hinc acquiritur quod vocatur (gallicè *sentiment du beau, goût*.) In quo summa varietas pro diversis climatibus, populis, &c. & qui ex naturâ mentis humanæ corrumpi debet ac ruere in pejus, ubi perfectus effloruit.

Homo reflectendo in suos similes deteget principia *moralis, juris gentium*: Hinc orietur conscientia, quæ innata non est, (32) reflectendo in alia comparabit ideam *Dei, notiones physicas, mathematicas*, &c. Hinc quantum homo antecellat bestiis...

### *Incrementa, & vis passionum à cognitionibus.*

49. Cognitiones adducunt in intellectum nova objecta. Hinc novæ perceptiones & res quibus delectamur aut dolemus. Reflectendo pro conditione, pro gubernationis regimine, videmus quid optandum tanquam bonum, quid fugiendum tanquam malum. Hinc prospicimus futura. Hinc commoda aut incommoda prævisa. Indè fons uberrimus novorum desideriorum, novarum passionum, timores, spes, amor, gaudium, mœror, tristitia, quæ animam angent, efferent, vexabunt, trahent. Hinc prævalidi ac præpotentes affectus: hinc characteres elati vel humiles, læti vel melancholici, feri aut mites, &c.

### *Connexio idearum, passionum, motuum corporis: influxus moralium affectuum in physicum & reciprocè.*

50. Ex statutis (40 &c. 45) omnia in homine veluti quodam vinculo connectuntur. Datur sentiendi vis: hinc dolor & voluptas sequuntur. Hinc necessitates, facultates, ideæ, passionēs. Affectus, operationes animæ excitant motus in corpore & vicissim motus corporis excitant affectus & operationes in animâ. ( ) quælibet passio complectitur



plectitur idearum seriem ( ) & seriem motuum correspondentium in corpore. Necessitates passionum, continuò renascuntur, exsuscitant idearum seriem & motuum, ità uniuntur invicem, ut hac aut alterâ redeunte per quemcumque modum, redeunt cætera juxtà consuetum ordinem. Hinc corpus & anima, unanimi consensu, habitudines contrahunt.

### *Consequentia.*

51. Hinc causa generalis phœnomeni: *recordatio vel aspectus cujusdam objecti parit sensus & motus similes iis, quos ipsum objectum excitaret per impressionem in corpus . . . . .* Sic explicantur affectus, quos experimur, cum obvia menti, vel corpori veniunt, 1°. imagines rerum, quæ gratæ aut injucundæ sunt; lætæ aut terribiles, 2°. alimenta varii generis, 3°. medicamenta quæ nauseam, vomitum, movent, alvum excitant, vehiculum etiam in quo sumpta sunt eos producit affectus. 4°. Convulsio, quæ ex titillatione nascitur, recurrit, si quis titillationis intentat minas. 5°. Oscitatio unius ad eundem motum catervam sociorum ciet . . . . . Quidam erumpunt in motus convulsivos à conspectu convulsionis &c. &c.

Idearum, passionum &c. connexio facit, ut totum satillitium cogitationum, passionum, motuum &c. in animum redeant . . . . . Hinc explicantur sympathiæ & antipathiæ, quas sentimus ergà homines, objecta quæ nunquam vidimus, pro quibusdam coloribus, ex aspectu cujusdam loci. Hæc nobis placent aut displicent prout gerunt

similitudinem, ex aliquâ parte, cum objectis, quæ idearum seriem vel affectuum jucundam aut injucundam in mente moverunt. Hæc rediviva excitatur in animo. Improbè ad objectum aliquod reflectendo animus alligat sæpè incohærentia quæ ità infiguntur, ut invitæ etiam mentis ascensum extorqueant. Hinc pueri & fœminæ tremunt in tenebris ob ideas quæ subeunt phantasmatum per noctem errantium, &c. ad sonum tonitru ob ideas terribiles mortis cum illo fragore unitas. Hinc fiunt in corpore motus qui œconomiam, animalem perturbant; hinc ex tonitru alvi fluxus &c. . . . . Hinc petitur vera delirii causa moralis, cum imaginatio incompatibiles ideas confociat; quas disjungere non possumus & quas cum summâ vivacitate revocamus. . . . . Si attentè observaremus, in quolibet homineprehenderemus aliquam seriem idearum per quas delirat & insanit juxta philosophum sapientemque virum. . . . Sunt qui putant cum mortuorum animis confabulari, alii se vitro conflatos, alii mures ranas &c. in ventre sibi inesse &c.

*Bordeu* vidit in brachio ægri renasci inflationem quoties æger vivam pateretur passionem aut nifum ad cogitandum. forsàn analoga telæ cellularis dilatatio in pectore parit inflationem quam experimur ab ingenti gaudio &c. versùs regionem epigastricam. Vidit *de Barthés* fæminam, quæ cum objecto aut sermone afficiebatur molesto, stupor urgebat illius brachium & crus lævum. Passiones in corpore giguunt mutationes salutiferas aut nocivas prout series motuum, quos hæc vel illa passio in corpore excitat, favet consueto motuum ordini valetudinis aut morborum, vel



hunc ordinem turbat miscetque. Hinc eadem passio sanare morbos vel inferre potest pro corporis statu sano vel morbofo. Sic terror aliquandò producit apoplexiam epilepsiam &c. Aliquandò, quasi per miraculum, febres, alios morbos abigit. Sic paralyticus audiens domum suam ardere, pavore subito commotus profuit è lecto, fugit & convaluit. Sic mœrore assiduo generantur alvi fluxus, varices, anevrismata. Hinc graves virium tonicarum læsiones sæpè à moralibus affectibus repetendæ. *Swift* macie consumptus, quandiù ambitione flagravit; ubi autem mente captus fuit, pristinam obesitatem recuperavit. (*Zimmerman traité de l'exp.*). Hinc ab influxu passionum, idearum diversè modificatur, temperatur physicum corporis: hinc causa moralis temperamentorum.

### *Medicina moralis.*

52. A morborum causis moralibus quærenda sunt remedia moralia. Necessè est ut Medicus uno conspectu noverit ægri intellectum, passiones, præjudicia, habitudines, earum omnium complectatur seriem, connexionem, actionemque reciprocam, singula in origine, progressibus, incrementis & robore. Hinc introspicere & detegere poterit in quo resideat causa mali, & indè præscribere mentis exercitia & corporis, ut indat novas ideas, quæ nexum aliarum abrumpant aut sensim deterant. Sciat tempestivè sub ægrotantis oculis hæc aut illa objecta ponere, & alia remove pro affectibus aut ideis, quæ in ægri intellectu cum illis connectuntur: hinc

in quibus casibus & quare utile sit jubere, ut æger natales revisat campos, gallicè *aller respirer l'air natal*. In vividam spem curationis, mox redituræ, ægros adducet, in nova judicia, in novas cognitiones, & indè in novos affectus, quæ impugnabunt infirmabuntque sensim ideas, præjudicia, passionēs, habitudines, undè mali moles. Afflabit alias cognitiones, alios sensus, quibus sanata restituetur mens, & vicissim restituetur corporis valetudo. Hinc quanti intersit Medicum imbui cognitionibus, quæ putantur inutiles ac vanæ ad Artem medicam. Hinc quanta auxilia in morbis curandis haurire posset à suâ intelligendi vi, à verborum facundiâ, ab oratoriâ eloquentiâ, quâ animam in auxilium vocabit, quâ sponte suâ reget, extimulabit, moderabitur, aut hos aut illos affectus, passionēs, ut noxios avertat, & adsciscat eos quorum influxus beneficus animum corpusque recreabit, exhilarabit, vitales sanæ valetudinis motus excitabit.

53. *Quomodò homo acquirit suas habitudines.* Iteratis sæpè sæpiùsque iisdem operationibus tum mentis, tum corporis, fit earum consuetudo, facilitas: hinc habitudines.... Ostendimus superiùs, quomodò acquisivimus habitudines quæ spectant facultates animi (29) passionēs (31) præjudicia, errores, usum organorum (33) motus corporis respectivè ad conservationem (40, 45), &c. Nihil ergò dicendum superest in eo articulo.

### *Conclusio.*

54. In hoc toto circà hominem moralem conspectu ex unico principio, nempe *vi sentiendi*



omnia deducuntur. utinam in physiologiâ physicâ illuxisset mihi principium unicum, ex quo fluxissent omnes naturæ vires, inter quas certè recensenda *vis magnetica*, quæ nuper totâ personuit galliâ, & quæ potenter influit tum in animam tum in corpus: sed expectemus, dum observatio & experientia nos erudierit, qualis sit illa vis, an morbis sanandis utilis.

Sed quid debeat nuncupari *naturâ* ( *nature* ) ?  
*Resp.* in animalibus intelligendum est per *naturam* systema virium vitalium & mæchanicarum in corpore, necessitatum & facultatum in animâ. Autem hæc omnia pendent ab organorum conformatione internâ & externâ: hinc dici potest, *naturam* in suâ origine esse illam animalis conformationem. Hæc pariunt phænomena omnia corporis viventis. Hæc statuunt differentiam essentialem inter varias animalium species: hinc apertum quid significant istæ voces, *animalia naturæ obsequuntur*; *medicus naturam speculetur & sequatur*, *eam regat*, *temperet*, *aliquandò tantum spectator otiosus ægros naturæ permittat.*

**F I N I S.**

## N O T Æ.

(a) Homo graviter dolebat, regione splenis tumefactâ. Eum sanavit incisio in principio Helicis auris dextræ.

In crise morbi acuti per virium synergiam materia morbifica furibundè in caput ferebatur, limaces triti collo, pedibus, circumfusi sunt. Cecidit mali impetûs : *sanatio*.

In fluxionibus pectoris, candela sebacea lique scat in 1/2 lib. olei olivæ, sine bullarum eruptione; unguentum illud extendatur in lino pexo. Pauculum triti grani feniculi ( *fenouil* ) spargatur super, & quædam guttæ spiritûs vini infundantur. unguentum in pectus prematur cum zonis. Extrahatur post quartam horam. Ne autem illius spireret odorem qui illud tollit. Hoc præsentissimum testor remedium.

(b) *Durande* miscet tres drachmas ætheris vitriolici cum duabus spiritûs terebinthinæ. Sumat æger, die quolibet, 1/5 mixtionis.

*Nota.* Ad vim digestivam : juvenis revomebat post epulas, suasi ut hauriret post quamlibet cænam grande caffèi poculum. *Sanatio*.

Si ex cibis assumptis doleat stomachus, propinentur 2 grana magisterii bismuthi, aquâ aut syrupo diluta, ante cibos 1/4 horæ, quater in die. Dos gradatim crescat usque ad 12 grana. Felici exitu medicus genevensis *Odier* adhibuit hoc à se excogitatum remedium.





# ARGUMENTABUNTUR

*Nobilissimi & Sapientissimi Antecessores  
Regii.*

N. D. PAULUS-JOSEPHUS BARTHEZ, *Cancellarius & Judex*

N. D. GASPARDUS-JOANNES RENE, *Decanus.*

N. D. ANTONIUS GOUAN, *Pro-Decanus.*

N. D. FRANCISCUS BROUSSONET.

N. D. FRANCISCUS VIGAROUS.

N. D. JOANNES SABATIER.

N. D. JOANNES-CAROLUS GRIMAUD.

N. D. HENRICUS-LUDOVICUS BRUN.

THE UNIVERSITY OF CHICAGO

# ANNUAL REPORT

FOR THE YEAR 1900

CHICAGO, ILL., 1901

THE UNIVERSITY OF CHICAGO  
PUBLISHED BY THE UNIVERSITY PRESS  
CHICAGO, ILL.







